

kontuola

KONTUOLA, Idolaz elkartea, **ANTZUOLA**. **Kazetariak:** Marijo Deogracias, Ainhoa Ugarteburu **Publizitatea:** Uxue Zabaleta **Erredakzio kontseilua:** Miren Anduaga, Gotzon Iparragirre, Patxi Kortabarria, Jone Larrañaga **Testuen zuzenketak:** Mariipi Laskurain, Lierni Legorburu **Telefonoa eta faxa:** 943 76 65 08, Herri ikastetxea.

Antzuolako hamabostekaria, 65. zenbakia. 2000 ko urriaren 6a.

Ika-mikak sortu dituen errepidea


Beasain-Durango eztabaidagai Mankomunitatea eta Diputazioaren artean

Beasain-Durango errepideak ez du Antzuolan lotura osoa aurreikusten. Horren aurrean, Antzuolako Udalak, Debagoieneko Mankomunitatearekin batera, hainbat xehetasun agertu zizkion Gipuzkoako Diputazioari. Honek, ordea, arazoa luzatu baino ez du egin. Orain, beste idatzi bat bidali dio Mankomunitateak Diputazioko errepide sailari.

Antzuolak 2.000 biztanle dituen herria dela eta ia egunero 170 kamioi herrira sartzen direla azaldu zion Diputazioari; bai eta 664 langile etortzen direla kanpotik egunero. Mankomunitateak dioenez, Diputazioaren proiektuak Antzuolako herria gehiago isolatzea ekarriko luke; eta adibide bat jartzearen garraio publikoa aipatzen zen. Izan ere, orain zerbitzua txikia bada, errepide planak ez badu bi norabide-etako lotura aurreikusten, horrek arazoa ekarriko litzieke autobus eta antzekoei. Udalak, Antzuolarentzat lotura osoa eskatu du, Beasain-Durango errepidean. Hasierako proiektuaren arabera, antzuolarrak, Bergarara joan beharko dira autobidea Zumarraga aldera hartzeko.

ERANTZUN EZKORRA

Debagoieneko Mankomunitateak jaso du Diputazioaren erantzuna. Mireia Unamunok esan digunez, ordea "erantzuna oso eskasa izan da. Etorkizunari buruzari da; Diputazioan gure azalpenak, alegazioak bailira ulertu dituzte eta horren aurka jo dute, gure azalpenak arrazoitu barik. Guk 2004. urterako lanak amaituta izatea eta Antzuolan lotura osoa egitea eskatzen genuen; izan ere, gure bailararako Eibar-Gasteiz errepidea baino garrantzitsuagoa da Beasain-Durango".



Honela geldituko da Beasain-Durango errepidea Antzuolan. VALEN MONUX

Bergararik Bergarara lotura ez du aurreikusten Beasain-Durango errepideak

Debagoieneko Mankomunitateak beste idatzi bat aurkeztu du Diputazioan eta "gure bailara baztertuta dagoela azaldu diegu berriz ere. Euren proiektuan, Antzuolatik eta Epeleraino (Arrasate) 4 karriletako errepidea ez da egingo; zati horretan 2 karril eta garraio geldoentzako beste bat tarteka aurreikusten da".

PROIEKTUA

Errepidearen ibilbideak Deskargako mendatea zeharkatuko lukeen tunela

aurreikusten du eta gero, Deskarga gainetik Antzuolaraino errepidea ia zuzen joango litzateke. Tarte horretan, 3 edo 4 korridore izango litzuzke eta gaur egungo 632 errepidearekin lotura osoa, Irimo-Behean izango luke.

Ondoko argazkian ikusten denez, Zumarragatik Antzuolara eta alderantziz loturak badaude. Bergararik eta Bergarara, berriz, ez; eta horixe da Antzuolako Udalak eskatzen duena: lotura hori, lotura osoa izan dadila. ■

AKEko nesken eta mutilen futbol taldeek denboraldia hasi dute

Neskek aurten dihardute lehen aldiz bailarako futbol ligan

AKEk 2. erregional mailako futbol taldeak hasi du dagoeneko denboraldi berria. Herriko talde nagusian 22 kidek jokatzeko dute; Alberto Gullon, Iker Irizar, Andoni Elkoro bergararra, Unai Gezalaga, Juan Pedro Jurado, Ion Arregi eta Xabier Azkarate dira taldeko atezainak. Erdilariak Ibon Segurola, Aitor Berraondo, Mikel Jauregi, Luis Herzog, Ibai Azkarate eta Ion Aranguren. Atzean Gurutz Zabalo, Eneko Iturbek, Pedro Iturbek zumaragarak, eta Eneko Segurolak jokatzeko dute. Aurrean berriz, Xabier Arregi, Bergarako Joseba Larrañaga, Samuel Cuevas, Aitor Gabilondo eta Uraitz Garcia. Entrenatzailea Andoni Azkargorta da, eta laguntzailea Igor Larrea. Prestatzaile fisikoa Gotzon Del Teso da. Taldeko delegatua, Alonso Castro.

Lehen jardunaldian 2-0 irabazi zieten bergararrei, baina joan zen domekan Eibartarrak-en aurka galdu egin zuten 6-1.

NESKAK

Nesken taldeak ere hasi du bere denboraldia. 22 lagun dira eta entrenatzailea Arantzazu Kortabarria da: Olaia Alberdi, Alazne Aldalur, Iratxe Azkargorta, Irati Berraondo, Amaia Irazabal, Larraitz Berraondo, Iraia Gabilondo, Agurtze Inza, Nerea Barkero, Edurne Iturbe, Cristina Longares, Oihana Iñurrategi, Amaia Narbaiza, Enara Agirre, Esther Reinoso, Maria Jesus Rios, Arrate Aranguren, Maider Martin eta Itziar Jauregi.

Denboraldiari dagokionez ez dira horren ondo hasi neskak. Lehenengo jardunaldian 7-0 galdu zuten bergararren aurka eta aurreko domekan, urria- ren 1ean ere 0-9 galdu zuten.



Neskek, 0 eta 9 galdu zuten joan zen asteburuan.



Puntu beharrean dago mutilen hamaikakoa.

ANTZUOLA

Apainketak eta isola-
menduak
Pladurrezko dibisioak

Kalegoi 21, ANTZUOLA
Tf.: 943 72 30 05
Billegia: 943 78 70 40

EGAÑA

Era guztietako arotz lanak

Tarima eta parketa jartzea
Zoruen kutxilatua eta barnizatuak

Kalegoi 21, ANTZUOLA Tf.: 943 76 64 23

GOROSTI
Taberna

☎ 943 76 62 96
Zurrategi plaza ANTZUOLA



Maria Jesus eta Tomas. ARTXIBOA



Bidaurreko frutak. ARTXIBOA

San Martinetako eta Ordiziako ferietan sarituak

Bergarako San Martin ferian, Antzuolako Lapatza beserrikoek, Maria Jesus Gorritxo eta Tomas Larrañagak, barazki biologikoen sailean lehen saria irabazi zuten. Hau ez da azkenaldian jaso duten sari bakarra, Ordiziko ferian ere, barazki biologikoen sailean, lehen saria

atera zuten eta. Aretxabaletan, saririk ez egon arren, bigarren postua lortu zuten bertako ferian.

Bidaurre baserrikoek ere, bai Bergarako San Martin ferian zein Ordiziko ferian, lehen postua eskuratu zuten fruiten sailean. Zorionak denoi!

Haika gazte taldearen aurkezpena

Joan zen ostiralean, irailaren 29an, arratsaldeko 18:30ean Gazte-txean, Haika euskal gazte taldea aurkeztu zen. Aurkezpenaz gain batzar eratzaille honetan gaur egungo gazte-riaren arazo eta egoerari buruzko eztabaida bideratu zen. Haikakoen hitzetan " Haika lehen gazte erakunde nazionala da, eta gure ardatza gaztea, Euskal Herri osokoa, anitza, eus-

kalduna, independentista, iraultzailea eta internazionalista da. Asanblada bidez antolatzen gara eta herri guztietara zabaldutako nahi dugu. Aurkezpen batzar irekiak egin nahi ditugu eta ondoren bertan bildu diren gazteak prozesu honekin jarrai dezaten animatu, eztabaidetan parte har dezaten, Haika gazte taldea eraiki ahal izateko."

VI. ARGAZKI LEHIAKETAN PARTE HARTZEKO EPEA AMAITZEAR

Antzuolako Udalak antolatuta, VI. argazki lehiaketa egingo da urrian. Bertan Antzuolan jaio edo bizi den edozeinek har dezake parte. Gaia librea izango da eta hiru taldetan banatuta egongo dira mailak; lehen maila 14 urte arte, bigarrena 15-25 urte artekoak eta hirugarren maila 26 urtetik gora. Parte hartzaile bakoitzak gehienez hiru argazki aurkeztuko ditu. Lanak koloretan nahiz zuri-beltzean aurkez daitezke.

Aurkezpenari dagokionez, argazkiaren euskarria 30x40 zentimetrotakoa izango da eta krema edo beige kolorekoa. Argazkiaren neurria egilearen aukeran geratzen da. Argazkiak egileari buruzko datu barik aurkeztuko dira, bakoitzari atze aldean izenburua ipiniko zaio. Argazkiarekin batera kartazal itxia aurkeztuko da, kartazal gainean lanaren izenburua eta zein kategoriatan parte hartzen duen jarriko da. Kartazal barruan, berriz, partehartzailearen datuak eta argazkiaren izenburua sartuko da.

Lehen mailan parte hartzaile guztientzat egongo da saria. Bigarren eta hirugarren mailan, lehen saria 25.000 pezetatakoa izango da eta bigarren saria 15.000 pezetatakoa.

Aurkezteko epea urriaren 11n bukatuko da. Ez ahaztu orijinaltasuna, eta kalitate tekniko eta artistikoa hartuko direla kontutan. Animo eta parte hartu!!!!

UDALETXEAN BILTZEN DIRA KALEAN GALDUTAKO GAUZAK

Antzuolako udaletxetik esan digute herrian galtzen diren gauzak herriko udaletxera eramaten dituela jendeak eta gauzok bertan jasotzeko aukera dagoela.

Beraz, zerbait galdu baduzu, joan herriko udaletxeko idazkaritzara, agian han egongo da eta zure zain.

Igor eta Txomin




Margoak orokorrean

ANTZUOLA

BERGARA

609 157 131

609 150 164



Z Zabalo Iturgintza S.L.

Bidea eginez

Tailerra: Uzarraga bidea 10. Tf. 943 78 71 78

Erakusketa: Kalebarren 1. Tf. 943 78 71 79, Tf. eta F. 943 76 64 73

- Gasa
- Berogailuak
- Haize egokitua
- Enpresen mantenimendua
- Lurrin instalazioak

- Bero-aurrezteak
- Bainugelak. Proiektuak momentuan egiten ditugu DIBaren bidez
- Birgaitze-espeditentak bideratzen ditugu

Herriko eskolak ikasturte berriari ekin dio sarrera hankaz gora duela

Eskolarako sarrerak hobetzeko lanak egiten ari dira egunotan

Herriko eskola obraz inguratuta dago. Lehen parke bat zegoen eskola atzean baina orain etxeak egiten hasi dira. Eskolako sarrera batean arrapala edo ranpa egiten ari dira eskolarako sarrerak errezagoak izan daitezen eta beste aldean dagoena ere hobetu egin behar omen dute. Hala ere, nahiz eta orain horrela egon, egoerak hobera egingo duelakoan daude. Ikasturte honetan, 149 neska-mutiko matrikulatu dira eta hamaika taldetan banatuta daude. Talderik handiena 19koa da eta talderik txikiena 11koa baina esan daiteke batzaz beste taldeak 15en bat neska-mutikoz osaturik daudela. Bestalde hiru irakasle berri daude aurtan.

BERGARAKO ESKOLARA

Bergarara eskolara aurtan joan den taldea 14koa da. Antzuolako eskolatik gaztetxo hauei jarraipen akademikoa egiten zaie. Normalean gaztetxo hauekin egon den irakaslea beraien Bergarako irakasleekin egoten da ikasturte hasieran, eta beraien eboluzioaz interesatzen dira, gutxi gorabehera hiruhilabetero.

Matrikulazioa urteen buruan mantendu egiten da, nahiz eta taldeak nahiko txikiak izan. Aurtan 11 ume hasiko dira eskolan baina ez dute denak batera hasi beharrik, kurtsoan noiz hasi aukatzen dute gurasoek ikasturte hasieran. Hala ere, urriaren bukaeran edo azaroaren hasieran hasiko dira neska-mutiko hauek eskolan.

Ikasturtean zehar egiten diren ekin-tzei buruz, "betiko martxan jarraituko dugu" adierazi digu Mari Josek, eskolako zuzendariak; "eskolan badaude ekin-



149 neska-mutiko matrikulatu dira Herriko eskolan.

tza batzuk urtekoak eta horiek egingo dira aurtan ere.

Irailaren 12tik 15era Espejon eta Urduñan egon dira gaztetxoak, eguraldi ona egin die eta oso pozik ibili dira. Horrez gain, igeriketa ikastaroa ere egingo

da eta aurtan gainera lehenengo hiruhilabetean izango da, eta 20 egun iraungo du. Bestelakoak ere egingo dituzte Santo Tomas feria, Olientzero, lhauteriak, irteerak, erakusketak, urte bukaerako txangoak".

■ ■ ■

"Matrikulazioa urteen buruan mantendu egiten da, nahiz eta taldeak txikiak izan"

■ ■ ■

KALEGOI 19 ☎ 943 76 64 07

Tomas Gezalaga

ANTZUOLA BERGARA

- Zoruen kutxilatuta eta barnizaketa •

GAILUR

taberna eta
gozotegia

Buztinzuri 13 ANTZUOLA
Tf. 943 78 70 32

LARREA

TABERNA

Kalebarren 17
ANTZUOLA

KALEGOI 19 ☎ 943 76 64 07

Tomas Gezalaga

ANTZUOLA BERGARA

- Apainketarako eta industriadako pinturak •
- Paper margotuak •
- Mokatet eta tapizatuak •